

Kinandi - Agape Amasako - God's Love Letter Scriptures

Yoane 15:9 Nabiribanza ngoko Tata abirinyanza. Mwīkale omo Iwanzo Iwage.

Īsaya 43:1,2 - Abanya Efeso 2:10 Kusangwa Nyamuhanga atubumba,

n'erītūmatīkanīa na Kristo Yesu, abirituhangika ati tukole emībīrī yowene eyo akokotaya kera, ati tubye tukakolayo.

Yeremīa 1:5 - Abanya Galatīa 1:15 Nīkwa Nyamuhanga, omo lukogo luwe,

mwayisoga ngye inyikine omo nda ya koyo, mwanyibirikira erimukolera.

Yoane 15:16 Simwetayisoga ngye, nīkwa nayisoga nywe, kandi nabīrībahīra eriyatunda endūndī, kandi endūndī yenyū iyatoka eribaho. Neryo Tata asyabaha ekīndūkī ekyo mūkabūlaya omo līna lyage.

3 Yoane 1:2 Uwe mwanze wage, ngasaba nyiti, emyatsi yawe yosi yowane, kandi ukote ngoko mutima wawe akūwana.

Īsaya 43:4 - 1 Petero 2:9,10 Nīkwa īnywe muli kihanda ekyayisogawa, abahererī b'obwami, ekihanda kībūyīrīre, abandu ba Nyamuhanga, imwatoka erīkangya emībīrī mibuya ya Nyamuhanga, oyo wababirikira erīlūa omo mwīrīmya n'eriingira omo kyakakala kiwe ky'eriswekera. 10 Kusangwa simwabya bandu, nīkwa lino muli bandu ba Nyamuhanga; mwabya isimwetabana eriganyira lya Nyamuhanga, nīkwa lino mwabiribana eriganyira liwe.

Yeremīa 31:3 - Abanya Efeso 1:4 Nyamuhanga mwayisoga twe eribya buwe, erimatikana na Kristo embere w'erihangikwa ly'ekihugo, ati tubye ababūyīrīre butsira bulema embere wuwe. Nyamuhanga, busana n'olwanzo luwe,

2 Tīmoteo 1:9 Iye abīrītūlamya n'eritubirikira eribya bahigulwa buwe-buwe.

Mwatakola atya busana n'emikolere yetu, nīkwa busana n'erīyīsūnza liwe n'olukogo luwe. Kandi mwatuha olukogo olū omwisi wa Kristo Yesu embere w'erītsūka ly'emigulu.

Yoane 3:16 Kusangwa Nyamuhanga mwanza ekihugo ky'atyā, kyaleka iniaha Mugala wuwe, Ekyusa kiwe, neryo oyūkamwīkīrīraya siahere, nīkwa abyē n'engebe y'erikota. Hosea 11:8; īsaya 49:15,16; & īsaya 41:13,14

Lūka 12:32 Ekīhyo kike, simubahe kusangwa kikatsemesaya Tata wenyū yo ndeke, eribaha Obwami.

Matayo 28:20 Mūkangīrīrayebo bakole ebyosī ebyo nabiribahana. Kandi mwibuke!

Īngye ko ndi haguma nenyū ebiro byosī erīhīka okw'ihwererera ly'emigulu.

Yoane 14:1 Sīmūhangā-hangaye emitima yenyū; mwīkīrīraye Nyamuhanga, nage mūnyīkīrīraye.

eSyonyimbo 23:1 - Yoane 10:11 īngye indi mūlīsyā wowene. Omūlīsyā wowene akasiga engebe yiwe busana n'esyombūlī.

eSyonyimbo 23:2 - Erībīsūlīrwa 7:17 Kusangwa, Ekyana ky'Embūlī oyuli omo katīkatī k'ekītūmbī ky'obwami, asyabaya mūlīsyā wabo, kandi asyasondolabo oko syongūnūnūko sy'amagetsi w'engebe; kandi Nyamuhanga asyasangula obuli mīsonīa oko meso wabo.

eSyonyimbo 23:3,4 - Lūka 1:79 Erīkolerya oko bandu abīkere omo mwīrīmya n'omo kyūtūtū ky'oluholo, Erisondola ebrisando byetu omo nzira y'obuholo.

eSyonyimbo 23:5,6 - 2Abanya Korīnto 1:10 Kandi mwatūlamya oko bwīko bosī bw'oluholo, kandi asyatūlamya kubo; kandi tuli n'amaha kw'akandīsyatūlamya

kandi,

Abanya Fīlīpī 4:7 N'obuholo bwa Nyamuhanga, obūlabīre amenge gosī,
bwasyateya emitima yenyū n'amaganirya wenyū omwisi wa Kristo Yesu.

eMīsyo 3:24 & eSyonyimbo 4:8 - Yoane 14:27 Obuholo ngabasīgīra, ngabaha
obuholo bwage. Ngabahabo, butsira ng'ekihugo ko kikaha. Sīmūhangā-
hangaye emitima yenyū, kandi simubahe.

eSyonyimbo 33:18 - 1 Petero 3:12 Kusangwa ameso w'Omwami Mukulu
akatungerera abatunganene, Kandi amatwī wuwe akowa erisaba lyabo. Nīkwa
Omwami Mukulu akalola abakola-nabi b'ebitsule.

Abanya Roma 5:2 Iye abīrītūhīra omwisi w'olukogo olo Iwa Nyamuhanga busana
n'erīkīrīrya, aho twimene ndeke. Kandi tukatsema omo maha w'erisangira
olukengerwa Iwa Nyamuhanga.

Īsaya 55:12 - Lūka 19:40 Yesu mwasūbīryabo ati, Ngababwira nyiti, aba
bamahuna, amabwe nago asyabirikira n'omulenge munene.

Yoane 16:22 Neryo nenyū nibya muli n'obūlīge lino: nīkwa nasyaswabalolako
kandi, n'emita yenyū yasyatsema, kandi sihali mundu oyo wasyabasagula
obutseme bwenyū.

Lūka 12:9 Nīkwa oyukanyigana embere sy'abandu, Omugala w'Omundu
asyamugana embere sy'abamalaika ba Nyamuhanga.

Matayo 10:30 Nīkwa esyonzwiri sy'oko mitwe yenyū sīganzīrwe esyosī.

Īsaya 54:10 - Matayo 24:35 Ekyanya n'ekihugo byasyahwaho, nīkwa ebīnywa
byage sibyendisyahwaho.

Matayo 11:28-30 Mwase ūkw'īngye, īnywe bosī ko mukanuba n'eriheka
ebīrītohīre, ngandibalūhūkyā. 29 Mwīmaye engomo yage, muhekeyo, mwigire
ūkw'īngye, kusangwa indi molo-molo n'ow'omutima ahehere; nenyū
mwasyabana eriluhuka omo mitima yenyū. 30 Kusangwa engomo yage ni
nyibuya, n'omuheke wage angūhīrīre. Solomono 2:10 & Hosea 2:14,19,20

2 Abanya Korīnto 11:2 Kusangwa nyībanzīre kutsibu ngoko Nyamuhanga naye
abanzīre. Kandi nabīrībasīmolya ng'omumbesa mubuya oko mundu muguma
ye Kristo.

Exodus 3:14 - AbaEbrania 13:8 Yesu Kristo sialihinduka; mūlīgolo na mūnabwīre,
ega na kera, ikw'ane atya.

Hosea 13:4 - Emībīrī Y'Abakwenda 4:12 Neryo erilama siriri omo gundi mundu,
kusangwa Nyamuhanga sialitahula erindi rīna omo kihugo kyosī omo katīkatī
k'abandu, eryangatūlamya.

Yoane 15:14 Nenyū muli bīra bage, mwamakola ebyo ngabahana.

Yoane 14:6 Yesu mwamubwira ati, īngye indī nzira, īngye indi mwatsi
w'ekwenene, īngye indi ngebe; sihali mundu ūkahīka uku Tata ate kwīngye.

Erībīsūlīrwa 3:20 Lebaya! Nyinimene oko lūyī n'erikongota; omundu amowa
omulenge wage, akakingula olūyī, nasyingira omo nyūmba yiwe, nasyalya
haguma naye, naye asyalya haguma nage.